

上林縣志

卷 玖

軍事

兵制

武備部

警察

42340.51

42

29

上林縣志

中華民國二十三年夏月

發行處廣西上林縣圖書館
每部定價大洋 元 角

上林縣志卷之九

武緣黃誠沅雲生編纂

武備部

兵制警察附

軍事

近年歷次募兵表附

兵制

明 以前無考

天下既定度要害地係一郡者設所連郡者設衛大率五千六百人為衛千一百二十人為千戶所百十有二人為百戶所所設總旗二小旗十大小聯比以成軍明史兵志

衛所之外郡縣有民壯邊郡有土兵聽邊民自修軍械團結防邊弘治二年立僉民壯法州縣七八百里已上里僉五人五百里四三百里已上二有司訓練遇警調發富民上直於官官自為募或稱機兵在巡檢司者稱弓兵嘉靖二十二年增州縣民壯額大者千人次六七百小者五百二十鄉兵者隨其風土所長應募調佐軍旅緩急西南邊服有各土司兵同上

謹案上林明初有屯田千戶所後移南丹衛於三里守城民款有三畔諸鎮巡檢司弓兵周安鎮暨各堡土兵民款即民壯專職防守捕盜非如清代乃差役之互名也

上林縣志卷之九

廣州市龍藏街西雅印

洪武三十一年上林縣設屯田千戶所張邵振舊志

永樂二年移南丹衛於上林縣東二里正統八年移之賓州萬曆七年移駐思恩參將於三里自賓州遷南丹衛及遷江八所土官同城而居管轄三鎮土舍彈壓八寨諸蠻同上

南丹衛官二百二員旗軍一百六十六名參將親兵四十名守城倉庫民款一百八名兵道聽用民款二十三名守各營堡兵一千一百九十九名李紱廣西通志

嘉靖四年審編民壯柳州府所屬上林縣千百長甲壯三百五十六名林富廣西通志

上林縣守城民款一百五十八名李紱廣西通志

清

舊移駐思恩府參將一員建營三里復遷南丹衛及遷八所土官同城而居管轄三鎮土舍彈壓八寨諸蠻至皇清改設三里城守等官駐劄守備一員千總一員把總二員古今圖書集成內撥貼防鎮安汛上林縣城守備官一員

同上

順治九年設三里營守備以下將領兵二百名皇朝文獻通考國朝三里改設城守官防守環有獨山白崖馬鞍祿袍鬚

馬淥閩銅鏡三潮等八堡張邵振舊志

本朝設三里城守官守備一員千總一員把總一員內撥貼防鎮安汎上林縣城守各官一員郝浴廣西通志守備一員千

總一員把總二員內撥貼防鎮安營汎上林縣城守備官一員每年輪次入城分防俱屬柳慶二府協鎮下駐劄

上無虞鄉一里張邵振舊志

本朝設三里城守營兵步戰兵一百零三名守兵二百四十三名共兵三百四十六名內撥貼防鎮安州兵五十

名防守縣城兵一百四十九名郝浴廣西通志古今圖書集成

康熙二十三年裁馬步戰守兵七十五名三十三年又裁六名共裁八十一名今實存戰兵七十六名存營戰守

兵一百八十九名共二百六十名張邵振舊志

雍正七年改設外委把總二員八年步兵內改設馬兵十五名謝啓昆廣西通志

雍正九年裁三里營守備改設都司以下將領四人兵二百六十五名皇朝文獻通考三里營都司千總分防思吉汎

把總二員一員分防上林汎清一統志慶遠協副將兼轄三里營都司一人駐劄上林縣千總一人把總二人兵二百

六十五名皇朝文獻通考三里營兵二百二十九名皇朝通典三里營守備自雍正九年奉裁改

上林縣志卷之九
廣州市龍藏街西雅印

設都關一員駐劄三里城在思恩府城東謹案原誤作西北今改正三百六十里在上林縣城東北六十里東接遷江洛峒汎界

三十五里西至古零土司界一百四十五里南至獅螺江橋頭六十五里接賓州三塘界北至羅墨渡一百六十

五里接慶遠府忻城土縣界本營今實存馬戰兵一十三名步戰兵六十名守兵一百五十二名共二百二十三

名徐衡紳縣志

乾隆七年撥歸義寧協守兵四名四十七年裁汰名糧二十五名步糧五名謝啓昆廣西通志三里營原額兵二百六

十五名步兵七十六名守兵一百八十九名見額弁兵二百三十一名外委把總二員馬兵十三名步兵三十一

名守兵一百八十五名同上

三里營駐三里城在上林縣東五十五里謹案徐衡紳縣志作東北六十里東至遷江縣三薦塘界九十里西至思恩府古零土司

界一百三十里南至賓州三塘界七十里謹案徐衡紳縣志作六十五里北至慶遠府忻城土縣羅墨塘界一百二十里謹案徐衡紳縣志作

一百六十五里本營駐防兵六十八名撥防各塘隘兵四十一名分防四汎外委二員兵一百二十名底塘兵三名南至

洋渡塘十五里北至左營塘三十里東北至刁博隘十五里謹案徐衡紳縣志作三里頭塘上至本營二里下至洋渡塘一十八里頭塘亦即底塘洋渡塘兵三名

南至白墟塘二十里西南至青泰塘十五里白墟塘兵三名南至獅螺塘二十里西北至青泰塘二十五里獅螺

塘兵三名南至賓州三塘十五里青泰塘兵三名西南至上林縣城二十里東北至洋渡塘十五里東南至白墟

塘二十五里左營塘兵三名西南至底塘三十里東北至喬賢汎二十里謹案徐衡紳縣志作六十里東南至刁博隘十里藍幹

塘兵三名西南至喬賢汎三十里東北至三浪塘二十里三浪塘兵三名東北至周安塘十里謹案徐衡紳縣志作二十五里周安

塘兵三名東北至思吉塘十里思吉塘兵二名東北至慶遠府忻城土縣羅墨塘二十里刁博隘兵三名西南至

底塘十五里東北至豬婆隘十五里北至左營塘十里豬婆隘兵三名東北至喬賢汎二十里硃砂隘兵五名西

至古零土司界五十里東至上林縣城五十里同思隴塘兵已裁由賓州營另撥塘兵二名徐衡紳縣志

塘汎東路有清泰塘獅螺塘接賓州三塘汎南至獅螺塘分路至思隴塘接武緣八塘汎西路有雷墟堡接古零

土司東北自清泰塘分路有白墟塘老虎塘接遷江三薦塘汎北自清泰塘分路有洋渡塘三里塘左營塘後營

塘藍監塘謹案即藍幹塘三浪塘周安塘思吉塘接忻城羅墨塘汎古今圖書集成

謹案賓陽縣城西南四十六里至淡道塘又十里思隴塘思隴塘舊由賓州營設兵五名又十五里馬嶺塘又十里至崑崙關又自賓陽城東北十里三塘又二十里獅螺塘鄒墟堡舊有賓州營外委一員兵九名西南至賓陽縣城三十六里下至老虎塘十里又十里刁蒙堡清時俱

設有賓州營守名五名思隴西三十里至武緣縣涿良八塘俱見謝啓昆廣西通志

上林汎分防上林縣城在本營西南五十五里把總一員分防兵四十七名無撥防塘汎謝啓昆廣西通志

上林縣志卷之九
三
廣州市龍藏街西雅印

思吉汎在本營東北一百里千總一員分防兵二十五名無撥防塘汎同

謹案徐衡紳縣志作在本營北一百三十里

六便汎在本營西北三十五里外委一員分防兵三十五名無撥防塘汎

喬賢汎在本營東北五十里外委一員分防兵十三名無撥防塘汎俱同上

民壯額數上林三十名習鳥鎗二十五名餘習挑刀三里營縣丞二十名習鳥鎗謝啓昆廣西通志

現設三泮鎮巡檢弓兵七名郝浴廣西通志古今圖書集成

周安鎮巡檢弓兵二十名思隴司巡檢弓兵二十四名參謝啓昆廣西通志

上林土舍頭目總練三十八名土堡兵共伍百七十伍名兵田一萬八千二百五十畝又七千四百五十畝謝啓昆廣

西通志

古蓬鎮土舍一名帶士兵一百二十名思吉鎮土舍一名帶士兵一百二十名周安鎮土舍一名帶士兵一百二

十名俱在順業里給以官田共糧三百六十石不納正供令其自耕自贍禦寇衛民聽本縣調遣古今圖書集成

三泮鎮土舍一名帶士兵四十二名在上林二圖以禦古零土寇同

謹案思吉周安三畔三土舍徐衡紳縣志俱作
總練上林二圖卽上林鄉二里今有鎮墟鄉

淶西堡頭目一名士兵五名淶茅堡頭目一名士兵五名通津堡頭目一名士兵九名淶關堡頭目一名士兵一
十八名繫馬堡頭目一名士兵七名銅鏡堡頭目一名士兵七名上崖堡頭目一名士兵七兵三潮堡頭目一名
士兵一十八名隘境堡頭目一名士兵七名白崖堡頭目一名士兵七名獨山堡頭目一名士兵一十二名馬鞍
堡頭目一名士兵九名綠袍堡頭目一名士兵一十二名老虎堡總練一名頭目三名士兵三十名剛烈堡總練
二名頭目數名士兵五十名那鄧堡總練二名頭目數名士兵六十名

徐衡紳
縣志

光緒二十九年裁三里營探訪

三十二年二月設止戈營於縣城募丁壯共五百名軍餉按照花戶科派以邑拔貢盧允元充營長七月裁撤

同上

三十四年將三鎮舊有士兵三百名全行裁撤所占屯糧一律升科俱同上

民紀時代

中華民國元年裁縣署民壯於縣署設警備隊三班二十四名隊長一名班長三名號兵二名九响槍二十四枝

上林縣志卷之九

四

廣州市龍藏街西雅印

每月發給餉項二百一十六元內隊長領三十元班長八元警兵七元伙夫每名七元號兵十元探訪

警察附

清光緒三十三年設保安警察十數名然既無崗位又無警律但分守東南兩城門而已且不久亦即停罷至民
國元年裁縣署民壯後乃改設警備隊三十名以資守衛彈壓差遣由縣官公費內發給餉項四年暫改由地方
經費項下支給五年七月縣保衛總局成立各區團局亦一律成立復募警兵四十二名分紮各區稽查曾不數
年仍行停辦二十二年將縣署警隊一律改爲政務警察設公務偵緝巡邏三組共警士四十八名分爲四班班
設警目一人炊事一人司號二人並設警長副警長各一人每月薪餉除以警隊原有欸項撥充外不敷之數則
由地方收入項下支給其取締制止街市間之一應不規則舉動仍係概由各處團局負責探訪

軍事

宋

皇祐四年狄青討儂智高以偏師由思隴入武緣而搗邕州之背賊遂大潰廣西悉平據故老傳聞

元

仁宗延祐元年秋八寨獠寇橫州汪森粵西叢載

謹案八寨始見於此

明

柳州置自唐貞觀中明初移治於馬平所屬州二縣十內屬千餘年而上林縣尚為土官而賓象融羅諸獠蠻蟠結為寇城外五里即賊巢軍民至無地可田後屢加征勦置土巡檢於各峒隘稍稱寧焉洪武二年中書省臣言廣西諸峒雖平宜遷其人入內地可無邊患帝曰溪洞蠻獠雜處其人不知禮義順之則服逆之則變未可輕動惟以兵分守要害而鎮服之俾日漸教化數年後可為良民何必遷也明史廣西土司傳

謹案據此是明洪武以前上林故為土司可知

洪武二十五年廣西都指揮使韓觀平賓州上林蠻參明史韓觀傳

永樂五年六月乙未張輔移師會韓觀討潯柳叛蠻冬十月潯柳蠻平明史成祖紀觀旋師抵柳州賊望風遁匿觀請

俟秋涼深入且請濟師帝使發湖廣廣東貴州三都司兵又勅新城侯張輔遣都督朱廣方政以征交趾兵協討

十月諸軍皆集分道進勦觀自以貴州兩廣兵由柳州攻馬平來賓遷江賓州上林羅城融縣皆破之會兵象州

上林縣志卷之九

五

廣州市龍藏街西雅印

復進武宣東鄉桂林桂平永福斬首萬餘級擒萬三千餘人羣蠻復定捷聞帝勞嘉之明史韓觀傳

九年賓州遷江縣象州武仙縣古蓬等洞蠻獠作亂詔發柳州南寧桂林等衛兵討之明史廣西土司傳

謹案武仙即武宣明史蓋誤書其古時之名

景泰三年城陷於賊林富廣西通志

謹案此事除林志外不見他書所指之賊當亦峒蠻無疑

正統初武緣上林獠獠作亂乃將此等地方撥與思恩土知府岑瑛管束參于謙文集

謹案正統初撥與岑瑛管治地方當即近年復由古零還屬本縣之諸地

五年廣西古丁等峒賊首藍伽韋萬山等糾合蠻類劫掠南寧上林武緣諸處鎮守副總兵陳旺以聞詔令總督

馬昂等勦捕之明史廣西土司傳

謹案古丁今日古關屬本縣北區古蓬鄉

七年大藤峽獠賊劫上林縣攻梧州自後奏報劫擄殺越城市無虛日毛奇齡蠻司合誌

成化六年正月韓雍遣參將張壽游擊馮昇等分道討賊忻城八寨蠻及諸獠獠掠州縣者皆摧破之蠻民素懾

雍威寇盜寢息

明史韓雍傳

八寨者曰思吉曰周安曰古卯曰古蓬曰古鉢曰都者曰羅墨曰剝丁後又益以龍哈

咳為十寨其地東達柳州三都阜嶺北四諸洞西連東蘭等州及夷江諸洞南連思恩及賓州上林銅盤淥毛諸

洞北連慶遠忻城東歐八仙諸洞周環五百里故遷江八屯及上林三里民地賊據日久寨各千餘人扼險要且

驚悍難制成化初參將馬義等討之不克正德中益熾

顧祖禹讀史方輿紀要

八寨原係遷江縣永安鄉地洪武間設千戶所

後寨賊強盛所不能制弘治六年以其地撥附思恩正德間又改屬歸順州未幾復叛

同上

要害之地莫如八寨曰

思吉曰周安曰古卯曰古蓬曰古鉢曰都者曰羅墨曰剝丁加益以龍哈布咳為十原屬遷江八所土司所轄其

地山谷巉巖鳥道險巇遙連各路諸峒每為柳慶思恩衆賊之淵藪寨內各有數人抗議險要慄悍橫行明成化

初征勦無功諸蠻益肆嘉靖朝以尙書王守仁督其師潛師分道搗八寨諸巢兵破石門賊始驚覺遂大奔潰官

兵乘勝追躡共斬獲一千九百餘級因議移衛置官未及行而守仁以病歸不數年而猖獗如故

古今圖書集成

謹案思吉周安古蓬今俱有墟古卯今曰古芒屬東撫團古鉢今為堡都者地近古蓬羅墨其地跨有紅水江兩岸剝丁今屬北更團龍哈今在遷江縣境與哈咳一地當在遷江上林之交今遷江縣西北境哈讀幕上林土字作浩湧泉也銅盤即後日之銅鏡堡今曰佗童村屬協和鄉

弘始十三年夏四月慶遠府述昆鄉賊攻城廂知府姜瑄率兵擊敗之先是首賊韋七璇等越過賓陽上林等縣

劫掠殺指揮王英當道檄府衛計擒七璇誅之璇妻糾賊數萬猝至城外圍繞數匝幾為所陷瑄設策備禦躬督

上林縣志卷之九

六

廣州市龍藏街西雅印

軍欵擊敗之

汪森粵西叢載

十七年岑濬掠上林武緣等縣死者不可勝計

明史廣西土司傳

謹案岑濬瑛之孫襲思恩土知府

十八年總督潘蕃太監韋經總兵毛銳調集兩廣湖廣官軍土兵十萬八千餘人分六哨進討岑濬總兵毛倫右參

政王璘由慶遠右參將王震左參將王臣及湖廣都指揮金堂由柳州左參將楊玉僉事丁隆由武緣都指揮官

纓副使姜綰由上林都指揮何清參議詹璽由丹良都指揮李銘泗城州土舍岑接由工堯各取道共抵巢寨賊

分兵阻險拒敵官兵奮勇直前援崖而進濬勢蹙遁入舊城諸軍圍攻之濬死城中人獻其首思恩遂平

明史廣西土司傳

濬本土官頗涉書史知吟咏但狡黠兇狠左右少有過失動遭殺戮積威所劫部下甚憚之是以兵力雄於右江

濬益驕蹇無忌弘治六年三府奏以遷江千戶所舊轄八寨峒畀給之濬乃築周安堡以頭目黎端率兵屯守屢

遣兵寇賓州上林遷江武緣諸州縣民村十二年濬於夷江造戰艦三百餘艘其祖父所出報効甲兵三千俱不

奉調十五年十月又率八寨述昆鄉兵二萬餘人破工堯陷田州殺擄無算十六年寇慶遠府永定永順二長官

司奪據其地十八年正月官兵克諸關隘濬走舊城副使姜綰等率兵圍之濬經死遷其母孫兄弟於福建之懷

安妻妾子女械送京入功臣家爲奴而以思恩改流焉節汪森粵西叢載

嘉靖七年思恩土目王受與田州盧蘇謀煽亂勢復熾新建伯王守仁至一意招撫而檄受等破八寨賊金鉅廣西通志王守

仁討思田以降賊盧蘇王受願自效遂潛師分道進討八寨諸巢又議割上林三里而移鳳化縣治於其處蓋寓犬牙相錯之意明史廣西通志王守

連八寨下通仙臺花相諸洞蠻盤亘三百餘里郡邑罹害者數十年守仁欲討之故留南寧罷湖廣兵示不再用

伺賊不備進破牛腸六寺等十餘寨峽賊悉平遂循橫石江而下攻克仙臺花相白石古陶羅鳳諸賊令布政使

林富率蘇受兵直抵八寨破石門副將沈希儀邀斬軼賊盡平八寨明史王守仁傳嘉靖初王守仁定思恩密圖八寨潛

師分道搗之破石門賊始覺驚潰守仁議以八寨諸賊實柳慶諸賊根柢四山環合同據一險各巢賊皆倚八寨

爲逋逃藪今幸平盪宜據其要害建置衛所以爲控禦其周安堡正當八寨之中宜創築一城移南丹衛守之未

及行而守仁病歸既而撫臣林富議云八寨爲柳慶思恩各賊淵藪而周安委當八寨之中四方賊巢道路所會

宜就築新城委官駐劄亦不果不數年猖獗如故顧祖禹讀史方輿紀要守仁因八寨賊去斷藤稍遠別遣布政使林富副總

兵張佑督盧蘇王受兵五千剿八寨賊各乘夜銜枚襲擊已破石門隘賊始驚覺且戰且走至日午賊號召二千

衆還拒官軍奮擊之賊既失險氣奪不能支遂大潰奔入重險官軍搜剿連破古蓬周安古鉢都者諸寨於是八

上林縣志卷之九 七 廣州市龍藏街西雅印

寨之賊亦盡計前後擒斬凡三千人兩江底定守仁乃班師毛奇齡蠻司合誌各應泰明史紀事本末

上林淥茅等村與八寨諸賊裏慶外合積年流毒地方王守仁密召領兵頭目盧蘇王受等令各挑選精兵分道

夾剿先發武緣鄉兵分搜大名諸山王守仁王文成全書

嘉靖中都御史王守仁平八寨議築城於周安堡遷南丹衛官軍及其家衆以居充守禦清理其地屯田並各賊

占據田土分撥耕種使得爲業又遷江八所狼兵數千亦分撥所遺賊田使之屯種以資衣糧李紱廣西通志

八年守仁於思田既議設流官又議移南丹衛於八寨改思恩府城於荒田改設鳳化縣治於三里及侍郎林富

繼之又言南丹衛設在賓州既不足以遙制八寨又不得以還護賓爲今日計獨上林之三里守仁所議設縣者

可遷南丹衛於此夫設縣則割賓州之地以益思恩是顧彼而失此也遷衛則扼八寨之喉以還護賓州是一舉

而兩得也其議與守仁頗有異同詔從富言節明史廣西通志

二十四年總督兩廣軍務張岳平馬平諸縣搖賊龍哈八寨其渠魁自投軍門願編立里甲輸納稅糧同於百姓

據張岳淨峯稿

二十三年八月八寨強賊越南寧城梯入府剗庫殺死巡風吏一名守堂民款三人及且官軍追逐過高峯至武

緣葛墟散入八寨十二月八寨賊復寇入南寧城斬關欲劫府庫時巡捕指揮李光勇敢單騎督率軍民衝突射傷賊衆潰散走遁八寨府庫軍兵賴以安虞

汪森粵西叢載

謹案粵西叢載尚有嘉靖三十九年八寨賊吳宗顯等襲容縣城掠幣金去一條考封祝唐容縣志此八寨乃屬容縣之八寨與上林八寨無涉故不取

四十年八月八寨賊復越南寧府城劫宣化縣庫殺死守城軍款二十一人次早官軍追捕至關山高峯英墟諸路入八寨上

謹案關山即崑崙關所據之山高峯在武緣縣南五十里爲思南通衢英墟亦名騰墟在武緣縣西九十里近隆安縣界

隆慶三年朝議以廣西專設巡撫推江西按察使殷正茂爲僉都御史以往正茂至奏諸剿賊合土漢兵十萬集衆議時八寨助逆衆議先勦勅書亦有先平八寨徐圖古田之語正茂獨不謂然先給榜諭八寨八寨聽命然後分兵七哨進古田平乃並八寨與龍哈哱咳爲十寨立長官司以黃昌等爲長官司及土舍聽守禦調度更陞古田縣爲永寧州

明史廣西土司傳

撫臣殷正茂征古田八寨賊震恐請服因設長官司守其地

顧祖禹讀史方輿紀要

四年都御史殷正茂購買人蕭紳者久販賊中善機警令賚文誥往諭八寨諸蠻謹呼願輸餉公家與良民爲伍遂聞之朝議以思恩那馬土司巡檢黃暘爲長官司部兵六百人興隆巡檢韋觀安定頭目黃昌各部兵二百人

上林縣志卷之九

八

廣州市龍藏街西雅印

分鎮其地歲輸銀千七十兩有奇土官照所轄地徵發諸蠻唯唯聽命

古今圖書集成

右江十寨爲思吉周安落洪古卯

羅墨古鉢古憑都者龍哈哱咳隆慶中總制殷正茂擊破古田卽以檄趨八寨歸降得貸死於是寨老樊公懸韋

公良石公慶藍公咯羅公印黃公邀等踵軍門上謁自言十寨共一百二十八村環村而居者亡慮二千一百二

十餘家而右江兵備鄭一龍參將黃世科賓州知州吳臬謂十寨旣請爲氓當以十家爲率賦米一石凡二百一

十六名七斗亦得輸銀米石五錢當徵銀一百八兩三錢五分它若火竈差銀戶一錢凡二百二十有奇然後村

立一甲長寨立一峒老爲徵賦計而以思吉周安落洪古卯龍哈立一州屬向武黃九疇羅墨古鉢古憑都者哱

咳立一州屬那馬黃暘皆爲土知州已移思恩守備於周安堡有成議而布政使以爲於法不便當立二長官每

長官各提兵千人以琴水橋荒田南丹衛屯田賦糧作兵餉不足則取三里魚峯巷賢堡兵餉二百五十兩不足

則取樊公懸等約戶每加三錢五分歲以爲常復召三里十冬三潮峒老卽度田因開立墟塲以通思恩慶遠武

賓諸道然後建社學請以義勇蕭紳爲千夫長黃昌陸雲騰爲百夫長姑與冠帶俟三年稱職爲真而兵備霍與

瑕又以爲八寨故不甚廣當陞爲州而使黃暘提兵六百人守之龍哈哱咳則立土巡司而徵安定兵二百人付

黃昌備龍哈徵興隆兵二百人付韋富備哱咳卽以守備移鳳化城黃村俾與黃暘並得調度二邏使其後總制

竟請入寨爲長官司而以兵八千人屬黃暘爲長官而黃昌韋富皆給冠帶爲土舍亦各引兵二百食二寨如約

毛奇齡蠻
司合誌

謹案此十寨之名有落洪而無剎丁與前所叙不同落洪即羅洪今屬東撫團古憑爲古蓬音轉與龍乃與龍之譌賓州知州原誤作知府今改正

萬曆元年是年十寨復亂總督軍門劉公堯誨巡撫軍門張公任督指揮戚秉忠計除之汪森粵西叢載

萬曆二年龍哈撞樊尙糾黨二百餘人嘯聚山谷問撫臣郭應聘密令三寨土司謹案即黃暘黃昌韋富選勁卒襲之斬尙餘

黨悉散其後土司弱不支諸蠻復橫行肆出古今圖書集成樊尙糾黨爲亂撫臣郭應聘密令三寨土司襲破之金鉅廣西通志已而黃昌

貪淫失衆心應聘暴昌罪按如律由是土司浸弱不振諸蠻益恣其後諸酋益恣占上林七里武緣五圖橫行四出顧祖禹讀史方輿紀要引土夷考

萬曆四年八寨賊藍萬德流劫廣西膽將黎布政殺害奪印回穴次年查出印信院道以聞六年奉旨征剿事平

後設立參將府於黃村建城鎮守其該村廬墓田塘一概迫令遷毀居民則於西門外隙地安插而額征糧米二

石有零乃竟全不蠲除嗣是雖叠經控訴然均不獲邀准直至清康熙二十一年始將一切浮派停免黃姓族裔

因鐫立歷次所奉批示及禁約之碑據原碑修

謹案古田獐銀章豹自永福入桂林劫布政司庫殺署事參政黎民衷事見明史廣西土司傳亦見粵西叢載叢載載於嘉靖四十三年十二月明史則在四十五年此作萬曆四年而賊首姓名又不相同乃係偏遠地方輾轉傳聞之誤因已鐫諸碑記故仍登之而附訂其謬於此

上林縣志卷之九

廣州市龍藏街西雅印

六年萬曆初思吉長官司被獐所迫常退與所轄之地可三里亡何晞咳寨酋長藍公潺等欲執土吏黃如金盡

奪其地如金乃以其狀告於思吉參將王瑞而柳慶參將倪仲化遷來指揮孫世寶永寧百戶陳維亦皆先後請

於臺御史於是巡撫吳文華檄守巡道陳俊徵永順白山兵及狼兵剿之平橫江晞咳諸巢諸獠請還侵地及所

擄生口願輸賦爲良民遂班師參明史廣西土司傳九思萬曆武功錄那馬黃氏宗圖

謹案恩吉之恩當作思此思吉長官司即黃暘之所世襲者如金爲黃暘子明史土司傳及萬曆武功錄敘述此事俱不甚於明瞭而明史且謂如金已爲藍公潺所執茲參考訂正如右

七年十寨復亂總督軍門劉堯誨巡撫軍門張任發兵剿之經理其地汪森粵西叢載十寨復亂督臣劉堯誨撫臣張任請

征之因委總兵王尙文調土漢兵十萬分爲四部約期並進顧祖禹讀史方輿紀要一由三里一由忻城一由夷江一由上林賊設險拒敵我師賈勇直

搗諸巢賊俱披靡又以北五諸聚落習與賊通移師破之共擒斬九千一百三級俘獲五千四百七十有奇捷聞

陞賞有差堯誨與任上善後事宜一日設三鎮以重彈壓二日屯三里以樹聲援三日分汎地以專責成四日遷

衛所以振武威五日議屯田以示優卹六日開道路以通險阻七日議錢糧以裕經費制日可會張任卒復起郭

應聘於家應聘至議設三鎮周安古卯爲一鎮思吉古鉢羅黑爲一鎮古蓬都者剝丁爲一鎮以土官族目韋應

鼈韋顯能黃馮各授土巡檢職銜部兵千人世守其地復以思恩參將管轄之建參將署於三里龍哈晞咳各築

左右堡募兵各百五十名遷南丹衛及八所土官與參將同城而居徙官庫舍以實邊地遠近碁置設險以守今國家承平日久蠻服嚮化防邊部伍漸次裁減已無復曩時之戒嚴惟三鎮尙設土舍領鄉勇百有餘名聽縣遣調以備八寨之諸蠻出沒際此聲靈赫濯之世雖南蠻訛亂難治有不俯首聽命哉顧周書曰荒服不王言其性情恍惚無定也以鷹桀悍暴之氣復以靡常之性卽有必世之仁難保一朝之變遠慮綢繆守斯土者不可忽焉而弗講矣古今圖書集成

謹案圖書集成爲康熙間勅撰之書故此條收處有頌揚論斷之語茲雖年代遠隔時世變遷然地方情形却不甚異爰備錄之而弗加以芟削云

何旺堡前隸上林止戈宋治平四年始與宣化之永寧同撥入武緣至明季因八寨叛逆發兵征討渠魁授首餘黨復集大明山脚爲巢劫鄉村萬曆七年本府知府侯國治請兵剿平更慮餘黨復集始於大明山脚請設何旺堡割隸思恩募選堡長頭目領兵五十名把守同

八年夏四月庚申廣西八寨賊平明史神宗紀十寨復聚黨作亂據民田產白晝入都市剽掠甚至攻城劫庫戕官民

總制劉堯誨巡撫張任急統兵進剿斬首一萬六千九百有奇獲器仗三千二百牛馬二百三十九帝乃陞賞諸士吏功復分八寨爲三鎮各建城而以東蘭州韋應鯤韋顯能及田州黃馮克爲土巡檢留兵一千人戍之

上林縣志卷之九

廣州市龍藏街西雅印

於三里增建二堡自楊渡水爲界墾田屯種給南丹衛通道慶遠賓州使思恩三里聯絡不絕於是右江十寨復

安輯輸賦明史廣西土司傳十寨復叛制置使劉堯誨及臺御史張任請弓矢得往正其罪然後與諸裨將約約不至三月

費凡七萬餘兩而寨酋之頭欲盡懸麾下亡何斬首捕擄凡一萬六千九百有奇奪獲器仗三千有二百牛馬二百三十九頭果以三月得捷也故事斬首捕擄七十已上爲下捷九十五已上爲中捷一百一十一已上爲大捷

寨賊倍六之反賊倍十之於是大司馬方逢時從制置使請乃咨禮部使大鴻臚引使者至御前宣讀捷音事下大宗伯乃於五月十三日常朝期宣捷如禮是日大鴻臚致詞行五拜三叩頭禮已遣公徐文璧侯李言恭伯陳

景行祭告南郊北郊及太廟而是時制置使殷正茂及御史顧鈴布政使盧椿盧仲佃按察使林澄源皆去官久例不叙御史胡宥乃訪誅納以聞而征南蠻將軍王尙文及姜忻李一廸侯國治彭文質陳俊陳應春林舜道歐

陽模彭富王天爵周舜岳劉世賞皆有功於是守令得敘者於郡守則馮春鄭國臣於同知則梁直鄭應齡周易王一岳李應魁魏仕吳於通判則李佳徵江龍黃杞李尙桂朱會極胡中於司理則孫承南蔣上欽顧志邦劉正

賓於州守則姚敬承漆文昌楊茂先陳一定趙崇鳳於知縣則邱鏞勞守謙黃約李三樂功次之上乃賜劉堯誨金四十兩表裏四張任王尙文金三十兩表裏二姜忻侯國治等金十五兩李應祥等金丹等王天爵等金十兩

自是之後論士吏功行賞於田州則岑大祿那地則羅瑞謙下雷則許宗蔭安定則潘承紀江州則黃河漢龍英則趙邦定歸順則岑瑾遷龍則黃兆翁泗城則岑紹勳東蘭則韋文韜當第居上等而鎮安則岑奇鳳思明則黃承祖萬承則許國璉上林則黃允章上映則許宗惠都康則馮紀白山則王觀那馬則黃如金永順則鄧得揚彭大武忠州則黃有瀚興隆則韋冠思明則黃恩龍南丹則莫之厚忻城則莫鎮威當第居中等湖潤則岑壽松下旺則韋顯威古零則覃文顯當第居三等而向武則黃瑚羅陽則黃瓚當第居四等安隆則岑洪舊城則黃正武靖則岑清寶歸德則黃朝果化則趙祖銘都陽則黃受山定羅則徐權皆與黃瑚等法當論如律於是上賜岑大祿等金三兩莫鎮威等金十兩岑洪等下臺御史逮問明年春臺御史張任卒於官而御史王宗載以請天子幸哀憐任以死勤事予之祭葬是歲也以八寨分爲三鎮各建一城而以東蘭州韋應鯤韋顯能及田州黃馮克爲土巡檢得比古田例留兵一千人附土吏許宗蔭許尙惠岑大祿仍屬賓州而以思恩參將統之先是三里屬上林之循業撫安古城久爲賊巢今改爲龍哈咻咳矣其下增建二堡而請自揚渡水爲界盡墾爲屯給南丹衛通道慶遠賓州而使思恩三里皆聯絡不絕巍然一大觀也瞿九思萬曆武功錄夷江哨參將于部下征平周安古蓬都者寨賊職名中軍官廣州右衛百戶李道基奉議衛指揮沈譽領先鋒大哨新寧所百戶伍志興領兵桂林右衛指揮許大

上林縣志卷之九

一壹

廣州市龍藏街西雅印

用古田所千戶所李椿張汝能桂林中右衛千戶李夢孔封夢龍碣石衛百戶劉元威河源所百戶蕭仕高柳州衛百戶黃禮慶遠衛百戶李璋軍門兵府督陣官郭來璧魏道寧耿文舉中軍督陣慶遠南寧潯州梧州鬱林衛所指揮千百戶劉朝棟管來龍鈕效忠童養正鄭賢邦朱誠裔鎧晏焜雷朝輔莊重威魯儒晏炳灌陽所吏目謝鶴中軍督陣把總哨官林豪黎勝李京黃鐘吳國周饒廷相奉鑣黃贊元林文章楊仕勒道明孔國英區美高黃應文田州知州岑大祿總州興鑑黃賊土巡檢李仁黃關歸德州知州黃朝白山司土巡檢王觀安定司土巡檢潘承紀湖潤寨官男岑壽松萬曆庚辰仲秋思吉剝蘭村刻崖

謹案楊渡即洋渡土知州下尙有總州名目亦可以備異聞安定土巡檢潘承紀謝啓昆廣西通志作潘建紀

萬曆二十一年土目黃關據周安鎮作亂官兵討之賊敗遁古鉢山官兵追及之於石崖藤蘿間斬之顧祖禹讀史方輿紀要

謹案方輿紀要誤以古鉢山爲在田州境

清

順治六年即明永曆四年流賊李自成之黨受撫於明者來至三里肆行屠殺屋舍皆被焚燬據康熙二十一年三里城禁碑修

謹案此即故老所傳之白帽賊者以其首裹白巾云爲明莊烈帝持服故即下條張常一賊亦假明之官爵名號而蹂躪地方者倘入庸妄眼孔必又謂常乃漢族不服滿人之一具有莫大之志氣者矣

十一年九月逆賊蘇應禎張常率領部卒峒黨攻破三里城參將許某死之人民被殺者無數子女衣物咸爲所掠慘不可言上

謹案張常爲歸順土州叛目於順治元年卽帶領黨類盤踞武緣西境高麗巖峒時出攻劫武緣宜化上林均受其害而莫能制直至順治十八年始爲思恩府知府高向極所平見古今圖書集成

雍正七年上林之東西二撫明思田八寨王守仁破六寨而撫其二寨故名民皆頑獷六便村峒蠻樊匡料樊李王西撫之巨慙也恣爲盜劫

雍正七年官兵討捕之殺匡料於淥村賓州知州王璵擒李王及樊國珣於龍壩皆伏法謝啓昆廣西通志

雍正八年官兵撲滅六便賊樊守剛守矩之後遂卽其地設六便汛外委以資彈壓又立老虎剛烈那鄧三堡土

練以分防之據徐衡紳縣志修

乾隆七年春西撫餘孽韋守舉等復肆知縣徐大材躬率官兵剿之其秋皆平據葉承霖上林縣孔廟碑記修

謹案葉碑以擒樊李王事亦屬之徐大材誤

乾隆三十八年八月上林縣獍匪李能倡造逆謀聚衆滋事廣西巡撫熊學鵬帶兵往剿擒獲首逆及夥匪李春

芳等五十餘名清史熊學鵬列傳

乾隆五十二年十月安南國王黎維祺被其臣阮岳篡位來奔道出思隴鄉次年督臣孫士毅帶兵進剿用里夫

上林縣志卷之九

一三

廣州市龍藏街西雅印

運米死者十之八九據徐衡紳縣志修

嘉慶二年三月貴州南籠府苗寇擾西隆州督臣吉慶進兵道經思隴因是之故本年錢糧緩征且每兩減免二

錢上

十八年洋渡劉特開作亂拏獲正法

道光二十九年九月流寇起上俱同上

道光三十年二月賓州賊陶八丁四犯上林踞蘆荻三村陶八丁四糾黨二千餘人犯上林土賊周四等導入大

山踞蘆荻三村署思恩府劉繼祖剿之不克執上林縣知縣清泰去旋釋之竄上里墟復糾土賊韋天芬犯武緣

羊復禮平桂紀畧

張家陞遷江人三十年三月率千餘人竄入上林羅墟團練擊敗竄入森塘佛子隘回羅墟由喬賢東撫

出潯泗隘回遷江老巢嚴文龍何炳南貴縣人道光三十年六月率二千餘人竄入上林由喬賢下三里東門墟

羅墟上古蓬墟過馬蹄墟敗走洋渡九月文亞英率千餘人由洋渡上三里踞東門墟退入喬賢覃興晚率二千

餘人由金釵墟入古蓬墟退至馬蹄墟十月黃亞佑率二千餘人由慶遠突至東門墟四股聯合爲團練擊敗自

獨山堡由洋渡潰散適有李大施晚率二千餘人自八旺來未及合股由紅水江遁去參羊復禮堂匪總錄九月慶遠土賊嚴

阿文張阿曾犯上林參羊復禮平桂紀畧

道光三十年七月賊匪黃晚破巷賢上團黃庫村據徐衡紳縣志修

咸豐二年 熊亞貴劉七劉八俱武緣人咸豐二年竄入上林大韋鬘馬進攻大隘羅墟敗回武緣羊復禮堂匪總錄

三年 同勝堂義勝堂勇勝堂皆武緣八塘土匪咸豐三年五月由八塘竄入上林潭圍那曉潭鄧南崖四村署

上林縣清泰擊退擒陶貴英劉金德何廷霄梁有山黃特書全股散入巷賢鎮鄒土匪乘間紛起適有賓州

股匪竄至分路襲至城下清泰督團總莫如爵擊敗奪得定勝巨勝拔勝起勝等堂旗幟是時有馬良玉一股

互相聯絡良玉焦墟人咸豐三年五月與莊村李扶七五塘李扶先等二千餘人分公侯伯子男五旗竄入上林

巷賢團練擊敗擒偽先鋒覃邦高廖紅顯並頭日周順黃大肚劉黃汝尹更新李志玉盧相英適有巴獨村李梅

高李村李宜春韋村韋超美美友村韋振超北板村韋志宗小陸村韋演經皆武緣土匪大股先後竄入上林八

塘之同勝義勝勇勝三堂亦入潭圍那曉等村互相聯絡八塘堂匪陶貴英等與馬良玉同被擒殺各股皆退時

有韋鳳者亦武緣縣人咸豐三年五月竄入上林巷賢鎮鄒東關團練擊敗之由黎口隘退回武緣參羊復禮堂匪總錄九

月貴縣賊劉八犯上林官軍擊卻之劉八自稱連勝堂糾信義堂賊由賓州上白墟據大黃村旋攻上林守城兵

上林縣志卷之九 一參 廣州市龍藏街西雅印

礮斃賊四十餘人賊怒焚毀城外數家而去羊復禮平桂紀畧 馮三南寧府人咸豐三年十月與劉二劉八由白墟繞至

鄒墟糾約朱六仔黃亞福踞何村嶺蔓延及於遷江賓州尋為官兵擊散參羊復禮散堂匪總

十二月曾充新太協營兵土匪蔡二與貴縣巨匪湯亞昌即鍾亞呂劉三秀合股竄入上林團練擊敗之同

是年武緣匪煽惑縣人入洪家邪教據徐衡紳縣志修

四年正月賓州賊覃恩培覃觀成襲陷上林三里團練擊敗之士賊黃三黃五潛引恩培等充作官軍由洋渡

襲破三里城塘紅團武生羅寶珍石牛團生員覃濟川六戶團武生覃國香城內監生周玉書等各率團丁齊

出奮擊殺賊甚衆賊復由洋渡遁去羊復禮平桂紀畧 覃觀成陳守良方漢成皆賓州人咸豐二年六月與韋四屈四附入

新村土匪李大全股其衆二千餘人十二月為團練所敗退回賓州四年正月三里營土匪黃三黃五勾結宋扶

桿覃恩培與覃觀成廖金相阮晚方漢成假為官兵分兩股竄入上林一由遷江過周簿隘一由上洋渡過東門

墟共破三里城踞四十餘日團練齊集皆由洋渡遁回賓州五月復與貴縣匪劉六賓匪蔡新擾上林之白墟蓬

塘團練擒潘晚李先富適有賓州之屈四屈五朱亞苟黃大彪數千人至上林之思隴木棉武緣之楊伐甲亦數

千人擾上林之榮甲互相聯絡旋被擊散擒李文基羊復禮堂匪總錄 馮三敗後其餘黨賓州綠崖人曾裒覃七散回賓州

四年六月竄入上林下團零村團練擊退另股彭三胎卽彭錦隆竄入留仙村擾及黃寧新安適有賓州劉八一
股由某墟繞至上林歷上中下三團退回賓州三股聯合並與甘村郭村土匪爲應至九月乃散羊復禮
堂匪總錄

五年 李錦貴上林縣東關人咸豐初年上林所屬之巷賢鄉有賓州陶八之役三里城有遷江張家陞之役城
鄉皆設團防錦貴初亦團首也挾持跋扈稔惡已久五年四月佞吳村土匪覃國香勾覃觀成夜劫佞吳敗入錦
貴團中逆迹大著署知縣楊培堃撤去總局凡事由地方官節制錦貴由是設局家與鎮鄒革生黃元鏐與其黨
李紹理等結黨號大勇堂羊復禮
匪總錄

六年春李錦貴自稱大元帥建三軍師命旗幟官不能禁土匪外匪劫掠所得就錦貴瓜分以是擁厚資四月與
獅螺莫剛強上團李維堂出劫維堂被殺錦貴分遣其衆入墟地村上同

七年正月李錦貴糾賓州逆紳謝秉彝謀犯縣城爲人和團擊敗掠棠桃村錦貴退入獅螺秉彝竄入賓州破之
七月秉彝合於錦貴同犯上林知縣楊培堃禦於城南八月初八日城崩培堃被執罵賊死錦貴入城改上林爲
澄江縣自稱明義將軍大司馬元鏐紹理爲左右指揮浙江人魯銓武緣人張立忠爲軍師秉彝分守賓州蕃髮
變服徧張僞示用太平天國年號元鏐等各於本團分立營壘制如官署迫脅各村堡戕害州同銜周秉鈺監生

上林縣志卷之九

一四

廣州市龍藏街西雅印

周啓修生員盧成章等數十人殺男婦數百被擄者千餘自是土匪紛起不可勝紀羊復禮
匪總錄八月李錦貴寇上林

三里城敗退羊復禮
桂紀畧十一月李錦貴陷上林巷賢團殺團總周秉鈺等數百人上同

八年二月上林舉人韋慶祚督率脅從者薙髮返正爲莫剛強莫崑山所殺羊復禮
匪總錄五月思恩府知府陶錫圭
來駐北更喬賢籌勦土匪據李維堃
武堂詩稿修

九年正月黃鼎鳳據貴縣覃塘龍山鼎鳳自潯州陷後數出劫掠擾橫州賓州上林始附潯州陳開後黨衆遂自
據覃塘墟北山羊復禮
桂紀畧二月石達開分黨入賓州破古辣墟旋犯上林武緣上同七月李錦貴招黃鼎鳳周榮祖卽

周十二攻破巷賢桃塘內八義外八義等村九月石達開賊目賴剝皮卽賴裕新及來姓彭姓者分三股由貴縣
竄自賓州復至上林敗入青泰墟數日竄入武緣羊復禮
匪總錄十月金陵逆首石鎮吉自桂林敗至賓州遂去黃三謹案

此黃三當卽黃
鼎鳳非黃元鏐入踞州城僞都統黃大得率萬餘人掠上團入蘆荻三村移屯中團張耀忠顯各村武舉黃丹桂率

黨入夥十一月爲團練擊敗復入賓州僞指揮羅文祥被殺失輜重器械無算錦貴與丹桂遣梁宏光譚大適迎
大得出屯張耀自往州城迎僞知縣劉姓者履任丹桂分出劫掠殺傷甚衆十二月鎮吉率全股分出爲團練截
回武舉韋高元叛附丹桂爲李樹庭毛福彰所殺張耀被圍大得宵遁入城上同

謹案是年十一月平桂紀畧尙有石嶺吉人上林土賊李錦貴黃丹桂附之一條恐誤

十年正月石鎮吉封李錦貴爲澄江縣大令元鏐等皆受僞封錦貴率莫剛強道出古蓬戕代理知縣陳汝於佷侯村大得入上林三日入武緣梁容光莫剛強譚惟寅莫如爵等踞古蓬里村二月古蓬黃懋昭北更藍有香藍甲河傍黃世昌馬蹄藍演文安定司土目蒙玉光攻破里村殺剛強容光惟寅殲賊過半如爵逃歸四月石達開由慶遠過九土司分二股一至上林一至武緣之陽墟錦貴迎上林一股入城中復由鎮鄣繞至陽墟合股陷武緣縣城五月石達開另股萬餘人由遷江竄賓州錦貴迎之六月攻上團爲黃庫韋村團練擊敗上

十一年二月李錦貴迎真天命太平天國聖神電通軍主將翼王石達開入上林縣城加封錦貴純忠大柱國體天侯三月周定邦李有聯分攻三里時達開全股僅萬餘人分二股出竄錦貴一股攻水臺村達開一股趨巷賢上團攻韋村築木城六座以困之日夜轟擊屋舍盡燬竟不能下舉人周建勳拔貢周世德等毀其呂公車募敢死士夜襲之達開大敗輜重盡失定邦有聯亦屢敗合於達開五月思恩知府徐引招撫餘黨錦貴適病死十一月達開由賓州擾上林武緣竄出南寧爲團練截擊數敗不能支自崑崙關突至思隴

同治元年十一月黃丹桂入思隴踞內外淥田爲集團練圍攻破之

羊復禮股匪總錄

上林縣志卷之九

一五

廣州市龍藏街西雅印

四年七月候補道易元泰統兵剿辦上林股匪莫山匪首莫風皮底墟譚七石旗李有聯青泰黃高吉皆敗入通津與周定邦合股八月擒誅莫風皮及先鋒莫十等九月礮斃譚七及周三先鋒李源合十月收復縣城攻周定邦於上巖定邦走入武緣以次招撫雙桂獅螺等村先是黃元鏐李紹禮初從貴縣黃三受僞封衛天侯大元帥後附錦貴受石鎮吉僞封與定邦皆黨類也錦貴既死元鏐等匿於家至是定邦遣李有聯往約復謀起事十一月督辦道遣人誘入行營戮之定邦匿大明山之獨女峯千總易復盛縛以出並韋扶苟韋老三等悍賊千餘人錦貴踞城久積惡最甚衆請戮其尸並斬其婦韋氏子彥溶兆溶族誅以徇

同

周定邦上林土匪渠魁自咸豐以來踞通津爲巢同治四年督辦道易元泰勦辦上林土匪七月駐營莫山底八月擒莫山匪首莫風皮莫十九月

底墟譚七石旗李有聯青泰黃高吉等各股匪皆入通津附定邦合股官兵圍攻通津定邦弟周三與僞先鋒李源合被擒十月定邦匿入鯉魚寨克復新村通津獲賊目李義勝進攻鯉魚寨定邦逃入武緣遣李有聯至草生黃元鏐家商同起事十一月元鏐等被擒定邦匿入武緣大明山千總易復盛會合武緣團練縛之並擒其黨韋

扶苟韋老三

羊復禮堂匪總錄

五年正月上林土賊豈時學戕殺前知縣劉培源時學古意村人曾充周定邦先鋒那良村羅金龍者豐於財培

源利其有誣以罪會營兵捕之杖斃其工人覃某時學弟也時學糾賊突至殺培源兵勇死者八人七月官軍克那良村擒時學誅之

羊復禮平桂紀畧

那良村羅金龍者故豐於財爲人誣控於縣丞劉培源差緝之金龍不赴未幾

培源權縣印御金龍且利其富會營親往那良搜捕金龍避匿他村培源住其家十餘日不肯回署新任郭從傑已接印培源猶婪索不已杖斃金龍工人覃姓致工人之兄時學糾匪突至戕培源於牀兵勇死者八人七月郭從傑馳攻那良村火其巢尋得培源尸以殮擒時學殲其黨韋時生等二十餘人爲培源位剖心以祭旋於弄河山中捕獲逸黨蘇時巢盧光蘭正法當時稟報失實誤以培源爲剿匪被害請卹

參羊復禮股匪總錄

覃濟川上林縣生員

充石牛村團長因案斥革同治五年二月與覃桂貞倡亂官兵平之

羊復禮堂匪總錄

同治九年莫崑山上林人與莫剛張合股同治九年正月與劉新城廖獎喜同時剿平黃丹桂亦剿散

參羊復禮堂匪總錄

光緒初有匪突至三里城都司劉彪擊敗之

以下俱據採訪

七年古蓬不靖知縣王方田親率鄉團前往剿辦七日即告救寧

二十九年十一月土匪盧進輝周亞亮等勾引賓州匪黃龍廷武緣匪鄧正儀率黨數百闖入白墟劫掠下富一

二鄉團總周泰張琴治督練與戰被殺署知縣陳奎堂率帶警兵同鎮鄧鄉團紳張耀甲馳來援救耀甲奮不

上林縣志卷之九

一六

廣州市龍藏街西雅印

顧身竟深入中伏死嗣是合縣俱受匪禍結無一處清淨之地繼經上官派隊駐紮縣城剿撫凡歷數載其患始平

宣統元年九月上林土匪韋應邦勾結各土司宵小僞稱革命軍劫掠武緣楊墟潯通小良諸團尋爲區練所敗退回上林出沒於藍甲周安一帶

民紀時代

中華民國九年陸譚敗於廣東後旅長陸雲高駐兵賓陽委邑紳李毓杰爲縣長以維持地方秩序蒞任七日陳炯明即俾賓人施潤庠來視縣事其年冬廣西人民因不堪東軍之種種壓迫乃組織自治軍起而與抗議以賓武上林爲集中地潤庠聞耗遂攜帶存署保安隊毛瑟警槍三四十枝逃回伊之本籍通縣全體呈請當道飭令交還則潤庠亦已遠遁矣故雖兵隊將其所居包圍多日而徒然罔效迄今猶爲懸案云

探訪

十年舊曆十一月忻城著匪莫英才燒東撫團塘高村局董謝仁慈羅鳴廣並喬賢團局董蒙甘霖等死之

十二月土匪莫大扣即莫漢卿破北更村拉去民人甚衆

同上

十一年八月粵軍及陸亞送之餘黨到縣九月劉震寰軍隊繼之自賓州越大山墟經亭亮蔓延遍於白墟青泰

而至縣城姦淫搶擄無所不至民人均紛紛逃避入山

十二年北區苟澍馬鞍隴荒三村被匪焚劫以致人民盡皆逃亡至今猶未復業

十三年司令劉權中因追林俊廷敗卒來至上林心澁縣知事李彥槍械遂誣其通敵遽加拘留而委縣議長韋世賢代理縣事劉旋畏為蒙仁潛所襲拔隊他去於時本縣人黃延鍾韋佩珍邵鍊根相繼出為縣長然不久皆以餉糈難籌去職 十二月土匪何鳳山韋容德莫桂庭糾約外匪巫家發梁大紀恣劫榮富繁富二鄉團總溫春澤隊長吳德聲死之旋為司令朱為珍楊慶祥所剿滅

十四年三里匪首樊建光作亂司令朱為珍帶兵進駐上林以現任縣長覃鼎新非由政府任命乃俾其隨員韋肇書承乏剛閱一旬韋又以才力不及撤任為珍遂自攝縣長

十六年七月某夜有匪闖入城內欲行劫模範高小學校殺斃學生一人

十八年以後遷江首匪藍春華時來滋擾智勇團以致長壽墟為之罷市近十數年來匪亂頻仍大率土匪之起於東者則以茅塘為巢穴著名渠首則為周松廷覃華廷譚雅慎何鳳山等起於東北者則以智勇鄉弄黎為巢穴其魁首為韋榮德韋文彬樊建光蒙林香等起於西者則以大明山深處為巢穴其著匪則為關榮修石特武

韋錫狂李特十等此三處皆屬縣中素來險要之地行政者不可不未雨綢繆而時加以隄防也

十九年舊曆六月滇軍圍南寧城日有飛機於上林天空游弋時擲炸彈下擊縣城計城鄉內外死者凡六七人

俱同上

近年歷次募兵表附

年	分	鄉別	募兵名數	募充名目
光緒至民國		萬福	五百餘名	剿匪北代征廣東
宣統		思隴	二十一名	不知遣赴何處
民八至十六		馬蹄	五名	

謹案全縣歷次應募之兵不在此數茲乃就其具報到局者而錄之爾